




ILLOQARFIUP ILAANUT
PILERSAARUT 3C6-1
ILIMMARFIK



NUUP KOMMUNEA

TEKNIKKIMUT AVATANGIISINULLU INGERLATSIVIK

Juli 2001

Ilitsersuut.....	2
NASSUIAAT.....	3
Illoqarfiup ilaanut pilersaarutip siunertaa	3
Tunngavik	3
Illoqarfiup ilaanut pilersaarusrifiusoq illoqarfiullu ilaanut pilersaaruttip eqqaa.....	3
Illoqarfiup ilaanut pilersaaruttip pilersaarutinin allanut attuumassutai.....	4
• Kommunimut pilersaarut	4
• Illoqarfiup ilaanut pilersaarummut 3A5-1-imut Pinngortitaleriffimmut attuumassutit	4
• Angallanneq	4
Teknikikkut sanaartukkat allallu.....	4
Avatangiisit	4
• Imikoorut.....	4
• Kuuffissualersuineq	5
• Imikoorut kuuffissuartigut kuuttassaaq, nunap qaani imeq illullu qaliaasa qaanni imeq kuuffissuarnut attavilerneqassanngillat, allamullu sammisumut kuuffeqassallutik, taamaasiornikkut tamaani sanaartukkanut allanut, aqqusineeqqanut, aqqusinernut nunaminertanullu sanaartorfiunngutsunut ajoqutaassanngimmat.	5
• Eqqaaveqarneq.....	5
• Avatangiisinut piumasaqaatit immikkullu ittumik killeqarfeqartitat.....	5
Inatsisitigut sunniutit.....	5
• Inaarutaasumik inatsisitigut sunniutit	5
Tamanut saqqummiunneqarnera	5
AALAJANGERSAKKAT	6
§ 1 Illoqarfiup pilersaarutaata siunertai	6
§ 2 Illoqarfiup ilaanut pilersaaruttip nunataa	6
§ 3 Tamassuma atorneqarnissaa.....	6
§ 4 Aqqusernit, aqqusineeqqat biilillu uninngasarfi	6
§ 5 Sanaartukkat initussusaat inissinneqarnerallu	6
§ 6 Sanaartukkat silatimikkut isikkuat	7
§ 7 Nunaminertat sanaartorfiunngitsut.....	7
§ 8 Teknikikkut atortulersuutit.....	7
§ 9 Nutaamik sanaartukkat atorneqalernissaannut piumasaqaatit.....	8
§ 10 Illoqarfiup ilaanut pilersaarummut 3A5-1, Pinngortitaleriffik attuumassutaa.....	8
AKUERINEQARNERA	9
Ilanngussaq 1, Nunami tamaani killeqarfiit sanaartorfissiallu.....	10
Ilanngussaq 2, Pilersaaruttip titartagartaa.	11
Ilanngussaq 3, Assiliartaa.	12
Ilanngussaq 4, Assiliartaa.	13

Ilitsersuut

Illoqarfiup ilaanut pilersaarutit nunaminertat, sanaartukkat nutaat, aqqusineqqat, aqquserngit il.il. sumiiffiup aalajangersimasup iluani qanoq atorneqarnissaat, inissinneqarnissaat ilusilersorneqarnissaallu aalajangersartarpaa.

Illoqarfiup ilaanut pilersaarut nassuiaanertaqarlunilu aalajangersagartaqassaaq tassanilu naqqutassiaasumik ilitsersuuteqarpoq.

Nassuiaammi pilersaarutit siunertaa anguniagaalu, illoqarfiup ilannut pilersaarutit iluani avataanilu pissutsit pioreersut kiisalu pilersaarutit allanut illoqarfiup avataanut pilersaarut qanoq inissisimanersoq naatumik oqaluttuarineqarput.

Illoqarfiup ilaanut pilersaarummi aalajangersakkat pituttuisuupput. Assiliartaliussat oqaasertaliussallu naqinnernik kipungasunik allassimasut illoqarfiup ilaanut pilersaarummi aalajangersakkanut nassuiaataapput.

Inatsisartut peqqussutaat nr. 6 19. december 1986-imeersoq, Inatsisartut peqqussutaanni nr. 1 18. juni 1987-imeersukkat allangortinneqartoq, nunaminertamik atuinnermut tunngasoq aamma Nalunaarut nr. 23 18. november 1992-imeersoq, nunaminertamik atuneq pilersaarusiorterlu naapertorlugit Kommunalbestyrelsi kommunimut pilersaarummi illoqarfiup ilaanut pilersaarusiornissamat pisussaataavoq:

Tamanna kommunimut pilersaarusiap piviusunngortinneqarnissanut pisariaqaraangat.

Sanaartukkat, nunalerinerit annertuut nunaminertanillu tunniussinerit pitinnagit.

Illoqarfiup ilaanut pilersaarusiortussaataaannermut siunertaavoq pilersaarusiorterup ataqtiginnerusumik pinissaa innuttaasullu peqataatinneqarnissaat.

Taamaattumik illoqarfiup ilaanut pilersaarummut siunnersuut sivikinnerpaamik sap. ak. arfinilinni tamanut tusarliunneqaqqaassaaq. Tamatuma kingorna Kommunalbestyrelsip pilersaarutit inaarutaasumik akuersissutiginninnerani akerliussutaasinnaasut allannguutissatullu siunnersuutit nalilersussavai.

Illoqarfiup ilaanut pilersaarutit inatsisitigut sunniutai illoqarfiup ilaanut pilersaarummi erseqqinnerusumik eqqartorneqarput.

Matumuuna kommunalbestyrelsip Illoqarfiup ilaanut pilersaarut 3C6-1, Ilimmarfik, atuutivissusaaq tamanut saqqummiuppaa.

NASSUIAAT

Illoqarfiup ilaanut pilersaaruttip siunertaa

Illoqarfiup ilaanut pilersaaruttip qulakkiissavaa Universitetsparkip sananeqarnissaa, tamaani sanaartorneqassapput ilinniagaqarnermut ilisimatusarnermullu siunertallit, allagaa-teqarfik, atuakkanik atorniartarfik, allaffe-qarfiit allallu universitetspark-eqarnermut atuuffinnut pisariaqartinneqartunut inissiaqarnermullu siunertallit.

Illoqarfiup ilaata iluani sanaartukkat titartar-neqarnermikkut, qalipaasersorneqarnermik-kut, ilutsimikkut sanaartormilu atortutigut tamaat isigalugu ataqatigiittumik tulluurtumil-lu sanaartorneqassapput.

Nunami tamaani pineqartumi taamaallaat Universitetsparkimi Pinngortitaleriffim-

milu sulisut inissaat sananeqarsinnaapput imaluunniit ilinniagaqartut inissaat killilim-mik amerlassuseqartut.

Aammattaaq illoqarfiup ilaanut pilersaaruttip qulakkiissavaa tamaani pineqartup iluani nu-taamik sanaartukkat, sanaartukkanut pio-reersunut, Pinngortitaleriffimmut, ilisimatuul-lu inigisaannut tulluurtumik sananeqarnissaat.

Tunngavik

September 1999-imi Naalakkersuisut aalaja-ngerpaat Nuummi Universitetsparkissap illus-sanik titartaasartunut unammisitsissutigine-qarnissaa. Universitetsparki Pinngortitalerif-fimmut atatillugu pilersinneqassaaq.

Illoqarfiup ilaanut pilersaarusionsiorfiusoq illoqarfiullu ilaanut pilersaaruttip eqqaa

Illoqarfiup ilaanut pilersaarusionsiorfiusoq illo-qarfiup kangiata tungaanniippoq qatsissoru-jussuarmiilluni. Tamanna pissutigalugu



Ilimmarfik

tamaani sanaartukkat illoqarfiup annersaaniit ersarissorujussuupput.

Illoqarfiup ilaanut pilersaaruttip iluaniipput Pinngortitaleriffik ilisimatuullu inaat arlallit Pinngortitaleriffimmut atasut.

Illoqarfiup ilaanut pilersaaruttip pilersaarutitut allanut attuumassutai

Kommunimut pilersaarut


Illoqarfiup ilaanut pilersaarut "Kommunimut pilersaarut Nuuk 1993 – 2005"-imut ilaavoq. Illoqarfiup ilaanut pilersaarut "Kommunimut pilersaarummut tapiliussamiippoq nr. 1 Killiussami 3A5-imi, Siaqqinnerup Avannaa". Nuna tamanna manna tikillugu inissianut sanaartorfissatut Pinngortitaleriffimmut ator-neqarsimavoq.



Immikkoortortap illoqarfimmut naleqqiullugu sumiiffia

Taamaattumik Kommunimut pilersaarummut tapiliussaq nr. 10 Kommunimut pilersaarut Nuuk 1993 - 2005 suliarineqarpoq. Kommunimut pilersaarummut tapiuliussami immikkoortortaq nutaaq 3C6, Ilimmarfik pilersinneqarpoq,

Immikkoortortap tamatuma nutaap suliffeqarfinnut siunertalinnut ator-neqarnissaa aalajangersarneqarpoq, tassa universittpark tassunga atuuffiit ilanngullugit inissiaqarfiit taakkununga ilanngullugit ilinniartut inaat universitetsparkimut Pinngortitaleriffimmut atasut.



Immikkoortoqarfik 3C6

Illoqarfiup ilaanut pilersaarummut 3A5-1-imut Pinngortitaleriffimmut attuumassutit

Illoqarfiup ilaanut pilersaaruttip ilaa maannakut atuuttumut Illoqarfiup ilaanut pilersaarummut 3A5-1-imut, Pinngortitaleriffik ilaavoq. Illoqarfiup ilaanut pilersaaruttip nutaap 3C6-1, Ilimmarfik akuersissutigineqarneratigut illoqarfiup ilaanut pilersaarut 3A5-1, Pinngortitalerfik atorunnaarsineqassaaq.

Angallanneq

Illoqarfiup ilaanut tamaanga Siaqqinnerup tungaaniit aqqusineqassaaq.

Teknikkukut sanaartukkat allallu.

Kuffissuit, erngup aqqutai, sarfap aqqutai nunap iluatigoortinneqassapput.

Avatangiisit

Imikoorut

Nuna tamanna kommunip kuuffissuaataanut attavilerneqassaaq.

Kuuffissualersuineq

Imikoorut kuuffissuuartigut kuuttassaaq, nunap qaani imeq illullu qaliaasa qaanni imeq kuuffissuarnut attavilerneqassanngillat, allamullu sammisumut kuuffeqassallutik, taamaasior-nikkut tamaani sanaartukkanut allanut, aqqu-sineeqqanut, aqqusinernut nunaminertanullu sanaartorfiunngutsunut ajoqutaassanngimmat.

Eqqaaveqarneq

Nuna tamanna Nuup Kommuneani eqqaaveqarnermut aaqqissuussamut maleruaqqusat sukkulluunniit atuuttut malillugit ilanngunneqassaaq.

Avatangiisinut piunasaqaatit immikkullu itumik killeqarfegartitat

Nunami tamaani sannartukkat sanaartorneqas-sapput Mittarffeqarnermut atatillugu nipiliornermut killigitinneqartumi malittarisassat ataqqillugit.

Inatsisitigut sunniutit

Illoqarfiup ilaanut pilersaarutip nunami tamaani siunissami ineriartortitsinissaaq aqussavaa. Taamaattumik aatsaat allannguuteqartoqaraangat pilersaarutip aalajangersagartai atuutilertassapput. Massakkumut akuerisaallutik atorineqartut ullumikkumisut ingerlaannas-sapput – aamma piginnittulluunniit nikikka-luarpata.

Inaarutaasumik inatsisitigut sunniutit

Illoqarfiup ilaanut pilersaarut Kommunalbestyrelsimiit inaarutaasumik akuersissutigineqareerluni tamanut saqqummiunneqareerpat nunaminertat, illut sanaartukkallu allat pilersaarummi ilaatinneqartut taamaallaat inaarutaasumik pilersaarutip imarisaanut naapertuutumik atorineqarlutillu sanaartorneqassapput.

Aalajangersimasunilli pisoqartillugu aallaas-sutaasut annikinnerusut immikkut akuerineqartarsinnaapput. Annertunerusumik allaassutaasussat nassatarisassavaat nutaamik illoqarfiup ilaanut tassunga pilersaarusiorneq.

Illoqarfiup ilaanut pilersaarutip taassuma nammineerluni aamma nassatarissanngilaa nunaminertat, illuutit sanaartukkallu pilersaa-

rummiittut pilersinneqarnissaat. Massakkumut nunaminertanik, illuutitik sanaartukkanillu atuinerit akuerisaasut pinermisut ingerlaannarsinnaapput.

Ilaatigut tamanna imatut paasisariaqarpoq nunaminertanik, illuutitik sanaartukkanillu massakkumut akuerisaasumik atuineq ingerlaannarsinnaasoq, akerlianilli soorlu allatut atuilernerq imaluunniit nutaamik sananissaaq aatsaat pisinnaalluni illoqarfiup ilaanut pilersaarummut akerliunngitsumik.

Piffissaaq oqalliffiusoq akuersissutigineqarneralu

Illoqarfiup ilaanut 3C6-1-imut, Ilimmarfik, pilersaarut piffissami 18. oktober 2000-miit 29. november 2000-ip tungaanut tamanut saqqummersinneqarsimavoq.

Tusarniaassutigineqarnerata nalaani uparuaasutitik / akerliliissutitik pingaaruteqartunik takkuttoqanngilaq. Kommunalbestyrelsip ataatsimiinnermini 26. februar 2001-imi piumi Illoqarfiup ilaanut pilersaarut 3C6-1, Ilimmarfik, oqaluuseraa saqqummiunneqaramilu siunnersuutigineqarneranut naleqqiullugu allannguuteqangaartinnagu akuersissutigalugu.

AALAJANGERSAKKAT

Kommunalbestyrelsip matumuuna makku pillugit Inatsisartut peqqussutaat nr. 6, 19. december 1986-meersoq kingusinnerusukkullu nunaminertat atorneqarnerat pilersaarusiorderlu pillugit Inatsisartut peqqussutaat nr. 1, 18. juni 1987-meersoq, aamma nunaminertat atorneqarnerat pilersaarusiorderlu pillugit Nalunaarutit nr. 23, 18. november 1992-meersutigut allanngortinneqartoq naapertorlugu makku aalajangersaavigai.

§ 1 Illoqarfiup pilersaarutaata siunertai

1.1 Illoqarfiup ilaanut pilersaarummi makku siunertarineqarput:

- nunap tamassuma siunertanut suliffeqarfinnut atorneqarnissaata qulakkeerneqarnissaa, tamakkununga ilanngullugit universitetspark aamma inissiaqarfiit,
- illoqarfiup ilaanut pilersaarutip pineqartup iluani sanaartukkat tamaat isigalugu assigiaartumik tulluurtumillu pinissaat qulakkeerumallugu,
- nutaamik sanaartugassat tamaani sanaartugaareersunut tulluurtuunissaat qulakkeersumallugu.

§ 2 Illoqarfiup ilaanut pilersaarutip nuna- taa

- 2.1 Illoqarfiup ilaanut pilersaarusiorderfik bilag 1-imi takuneqarsinnaavoq.
- 2.2 Illoqarfiup ilaanut pilersaarusiorderfik nunaminertaavoq 5,7 ha. missaani angitigisoq.

§ 3 Tamassuma atorneqarnissaa

3.1 Nuna tamanna suliffeqarfinnut, universitetspark-imut taassumalu atuuffiint atorneqassaaq aamma universitetsparkimut pinngortitalerifimmullu atasut inissiat killilimmik sananeqassapput.

3.2 Tamaani pineqartumi tamarmi teknikikut atortulersuisoqarsinnaavoq, tamakkununga ilanngullugu tamaani pilersuinermi pilersuiveqarfiit. Atortulersuutit tamakku tamaani sanaartukkat allat nunaminertallu sanaartorfiunngitsut eqqarsaatigalugit inissinneqassapput ilusersorneqarlutillu.

§ 4 Aqqusernit, aqqusineeqqat biilillu uninngasarfii

- 4.1 Tamanna Siaqqinnerup tunganiit aqqusineqassaaq, bilag 1 aamma bilag 2-imi takuneqarsinnaasutut.
- 4.2 Nunaminertamik aqqusinniorfissamik immikkoortitsisoqassaaq soorlu bilag 1 aamma bilag 2-mi takuneqarsinnaasutut.
- 4.3 Tamaani aqqusernit 5,5 meteritut silisuseqassapput, aqqusernit killingini ivigallit kuuffiliat il.il. ilanngunnagit.
- 4.4 Aqqusineeqqat imminnut atanilersorfissaannik nunaminertanik bilag 1 aamma bilag 2-mi takuneqarsinnaasutut inniminniisoqassaaq. Aqqusineeraq saneqassaaq 2 meteritut silitsigisoq, aqqusineeqqap killingini ivigallit kuuffiliat il.il. ilanngunnagit.
- 4.5 Aqqusernit asfaltimik qallersorneqassapput.
- 4.6 Aqqusineeqqat asfaltimik imaluunniit beton-imik issoqqaarissulianik qallersorneqassapput.
- 4.7 Biilit uninngasarfiinut nunaminertaq inniminnerneqassaaq, uninngasarfik ataaseq inissiamut 200 m² -imut.
- 4.8 Biilit taamaallaat nunaminertani biilinit uninngavissiani bilag 1 aamma bilag 2-mi takuneqarsinnaasuni pisinnaavoq.

§ 5 Sanaartukkat initussusaat inissinne- qarnerallu

5.1 Sanaartukkat nutaat sanaartorfissat bilag 1-imi takuneqarsinnaasut iluinut inissinneqassapput.

- 5.2 Nutaamik sanartukkat quleriit annerpaamik sisamaasinnaapput.
- 5.3 Nunap sanaffiup qanoq innera apeqqutaalluni kælder-iliortorsinnaavoq.
- 5.4 Toqqavik pisariaqartitaq sinnerlugu portutigissanngilaq.
- 5.5 Nunami tamaani sanaartukkat taakunungalu atasunik atortulersuutit pitsaasumik tulluurtumillu inissinneqarnissaat pillugu annikitsumik qaartiterisoqartarnissaa naatsorsuutigineqassaaq.
- 5.6 Teknikkikkut sanaartukkat, pilersuiveqarfik assigisaalu tulluurtumut inissinneqassapput, nuna tamanna tamaat isigalugu takussunangitsumut.

Pilersuiveqarfiup sumut inissinneqarnissaa pillugu Nukkissiorfiit isumasioqatigineqassaaq.

§ 6 Sanaartukkat silatimikkut isikkuat

- 6.1 Illoqarfiup ilaanut pilersaarutip iluani sanaartorneq tamaat isigalugu assigiaartuussaaq.
- 6.2 Sanaartukkat bilag 2, bilag 3 aamma bilag 4-imi takuneqarsinnaasutut ilusersorneqassapput.
- 6.3 Illut qaliaasa qaavi pappilarsualersugaassapput imaluunniit saffiugassamik qalligaassapput. Illut qaliaasa qaavi qernertumik qalipaateqassapput.
- 6.4 Illut silataasa iigai qisummik qalligaassapput. Illut silataat qisummik qalligaanngitsut killilimmik betoniussaapput. Illut silataasa qaavi sanaartornermi allanik atortoqassappata, tamarmik immikkut ataasiakkarlutik Kommunalbestyrelsimit akuersissutigineqassapput.
- 6.5 Teknikkikkut sanaartukkat, pilersuiveqarfik assigisaalu tamaani sanaartukkat allat ilusaat pissuseqatigissavaat, tamaani takujuminaatsunngortitsinngitsumik.

§ 7 Nunaminertat sanaartorfiunngitsut

- 7.1 Nunaminertat sanaartorfiunngitsut sanaartornerup nalaani qaqqanillu qaartiterinerup pinerata nalaani sapinngisamik annerpaamik mianersuunneqassapput.
- 7.2 Nunaminertat sanaartorfiunngitsut naasui qaaviluunniit sanaartorineq, qaartiterineq allatulluunniit pisoqarneratigut innarlikkat iluarsaanneqassapput.
- 7.3 Illoqarfiup ilaanut pilersaarutip iluaniitunik atortulersuutinik sanaartukkaniluunniit piginnittut qulakkiissavaat nunaminertat pilersaarusiortorfiup iluaniittut kusartuunissaat torersuunissaallu.

§ 8 Teknikkikkut atortulersuutit

- 8.1 Nunaminertamik tunniussinermut atatilugu sanaartorfigissaanermut akiliut mallitarsassat atuuttut naapertorlugit akilerneqassaaq.
- 8.2 Sanaartorfigissaaneq kommunip tamaani imermik pilersuinermut, kuuffissualersuinermut, aqqusinniormut biilit uninngasarfiliormut aammalu nunaminertanut ataatsimoorussanut pilersuineranut aningaasartuutaanut ilaavoq.
- 8.3 Illut tamarmik imermut kuffissuarnullu attavilersorneqassapput.
- 8.4 Teknikkikkut pilersuineq, kuuffissualersuineq, sarfalersuineq imermillu pilersuineq nunap iluatigut pissaaq.
- 8.5 Pilersuinermut aqqutit nunaminertanik tunniussinerni pineqartut tamatigut ataqqineqartassapput.
- 8.6 Sanaartukkat innaallagissamik aalajangersimasumik kiassaanermut attavilerneqartassapput.
- 8.7 Nunap qaani imeq illullu qaliaasa qaani imeq kuffissuarnut attavilerneqassanngilaq, allamullu sammisumut kuuffeqassalluni, taamaasiornikkut tamaani sanaartukkanut allanut, aqqusineeqqanut, aqqusinernut nunaminertanullu sa-

naartorfiunngutsunut ajoqutaassann-
gimmat.

**§ 9 Nutaamik sanaartukkat atorneqaler-
nissaannut piumasaqaatit**

- 9.1 Nutaamik sanaartukkat atorneqalersin-
naanngillat nunaminertat sanaartor-
fiunngitsut nunagissarneqaqqaartinna-
git.
- 9.2 Pinngortitaleriffiup avannaata tungaani
sanaartorfissami nunaminertamik tun-
niussisoqannginnerani, Pinngortitalerif-
fik tusarniarneqassaaq.

**§ 10 Illoqarfiup ilaanut pilersaarummut
3A5-1, Pinngortitaleriffik attuumassu-
taa**

- 10.1 Illoqarfiup ilaanut pilersaarut 3A5-1
Pinngortitaleriffik, illoqarfiup ilaanut
pilersaarut 3C6-1, Ilimmarik inaarutaa-
sumik akuersissutigineqarpat, atorun-
naassaaq.



AKUERINEQARNERA

Taamaalilluni Nuup Kommuneani Kommunalbestyrelsimit akuerineqavippoq ulloq 26. februar 2001.

Nuup Kommunea ulloq

Agnethe Davisen / Alice Steenor
borgmester / pisortaaneruneq


Siunnersuutitut tamanut saqqummiunneqarpoq ulloq




NALUNAAQUTSERSUUTIT:

- Killerqarfik: ●●●●●●
- Sanaartorfissaq: ▤▤▤▤▤▤▤▤▤▤
- Illut pioreersut : ■■■■
- Biilit unittarfiat: ■■■■
- Aqqusineq: ■■■■
- Pisuinnaat aqquaat: ■■■■
- Aqqusineq: ▲

Uuttuut 1:1000



Ilanngussaq 3, Assiliartaa.



Ilanngussaq 4, Assiliartaa.

